

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1910095113 որոշումը բեկանելու և վարչական իրավախախտման վերաբերյալ գործը նոր քննության ուղարկելու մասին

«04» 12 2019թ. 14-Կ-10043

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս վերանայելով Արթուր Հակոբյանի դիմումի (112372-19) քննարկման արդյունքում ստեղծված նյութերը՝

Պ Ա Ր Զ Ե Ց Ի

OPEL մակնիշի 35 ZL 140 համարանիշի տրանսպորտային միջոցի վարորդը 04.09.2019թ. ժամը 11:15-ին Երևան քաղաքի Վազարշյան-Խաչատրյան փող. Խաչմերուկում երթևեկել է չթույլատրված ուղղությամբ՝ խախտելով Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի պահանջը, ինչի հետևանքով նշված տրանսպորտային միջոցի սեփականատեր Արսեն Դավթի Հովհաննիսյանը Ճանապարհային ոստիկանության թիվ 1910095113 որոշմամբ ենթարկվել է վարչական պատասխանատվության, տուգանքի՝ 5000 ՀՀ դրամի չափով:

Քաղաքացի Արթուր Հակոբյանը ՀՀ Ոստիկանության ճանապարհային ոստիկանություն դիմում է ներկայացրել՝ հայտնելով, որ վերը նշված թիվ 1910095113 որոշմամբ ամրագրված իրավախախտումը կատարվել է իր կողմից և խնդրել այն վերահասցեագրել իրեն:

Ուսումնասիրությամբ պարզվել է, որ թիվ 1910095113 որոշմամբ արձանագրված խախտումը կատարելու պահին Արթուր Հակոբյանը տրանսպորտային միջոցը վարել է ուժը կորցրած վարորդական վկայականով, ինչի համար Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված է տուգանք՝ 10000 ՀՀ դրամի չափով:

Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն՝ եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում:

Հաստատված համարելով այն, որ թիվ 1910095113 որոշմամբ ամրագրված ճանապարհային երթևեկության կանոնի խախտումը կատարվել է Արթուր Հակոբյանի կողմից, նկատի ունենալով, որ խախտումը կատարելիս վերջինս տրանսպորտային միջոցը վարել է ուժը կորցրած վարորդական վկայականով, թիվ 1910095113 որոշումը ենթակա է բեկանման, իսկ Արթուր Հակոբյանը՝ Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն, ենթակա է վարչական պատասխանատվության՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված կարգով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածով և 293-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1910095113 որոշումը բեկանել:
2. Գործն ուղարկել ՃՈ ՃՊԾ 2-ին սպայական գումարտակին՝ նոր քննության:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Արթուր Հակոբյանին (հասցեն՝ Արարատի մ. Գ. Այգավան Ավդալյան փ. 4տ.), տրանսպորտային միջոցի սեփականատեր Արսեն Դավթի Հովհաննիսյանին (հասցեն՝ Արարատի մ. Գ. Այգավան Ա. Հովհաննիսյան փ. 46տ.), ՃՈ ՃՊԾ 2-ին սպայական գումարտակին և ՏՄՀԽԱ կենտրոն:

Կատարող Ա. Յալոյան

010562974



Ե. Կարապետյան